

隋吉藏大師著

百論疏


佛陀教育基金會 印贈


隋吉藏大師著

百論疏

佛陀教育基金會

印贈





吳州善心齋敬寫

百論疏品目

卷一

5

序

卷二

卷三

卷四

卷五

捨罪福品第一

45

卷六

卷七

破神品第二

247

卷八

破一品第三

361

卷九

破異品第四

417

破情品第五

461

卷十

破塵品第六

489

卷十一

破因中有果品第七

547

破因中無果品第八上

581

卷十二

破因中無果品第八下

605

破常品第九上

624

卷十三

破常品第九下

669

破空品第十上

699

卷十四

破空品第十下

717

百論疏品目

卷一

5

序

卷二

卷三

卷四

卷五

捨罪福品第一

45

卷六

卷七

破神品第二

247

卷八

破一品第三

361

卷九

破異品第四

417

破情品第五

461

卷十

破塵品第六

489

卷十一

破因中有果品第七

547

破因中無果品第八上

581

卷十二

破因中無果品第八下

605

破常品第九上

624

卷十三

破常品第九下

669

破空品第十上

699

卷十四

破空品第十下

717

百論序疏卷第一

姚秦僧肇序

隋慧日寺沙門吉藏疏

大業四年十月因講次直疏出不事訪也肇公是京兆郡人家貧常以傭書爲業因是歷觀經史每讀老子莊周之書喟然歎曰美則美矣然期神冥累之方猶未盡也末見古維摩經歡喜頂戴謂親友曰吾知所歸極矣羅什至京師因從請業著不真空等四論著注淨名及諸經論序什歎曰秦人解空第一者僧肇其人也若肇公名肇可謂玄宗

之始年三十一亡。但百論有二序。一叡師所制。二肇公所作。興皇和上每講常讀肇師序。正爲其人言巧意玄妙符論旨。親觀時事所以稟承。又叡師序是弘始四年前翻。什師初至方言未融。爲此作序。猶未中詣。肇師序卽是此文。六年重翻。文義旣正。作序亦好。所以恆讀肇公序也。余年十四虛心翫之。登乎弱冠於寺覆述。

生起此次第者。論卽是教以教化物。前須歎教。雖復歎教。但未知何時造。故第二明時節。雖明時節。未知何人所造。故第三明能造之人。雖明能造之。

人未知何故造論故第四明造論意爲緣雖明能造之論所爲之緣竟未知名字何等故第五釋論名題雖識名目未知是誰注釋故第六出注論婆數注釋雖竟未知旨趣如何故第七明論大宗此之七章並化行天竺益天竺之緣從第八已去傳流震旦益於此土故有第八什師遠齋梵本來此翻譯雖有解法弟子必須有篤信檀越故第九明檀越姚嵩雖有此九條猶未知論偈多少故有第十定品偈多少也。開此一序以爲十章。一歎論功能二明造論時節三歎造論之人四陳外道興世

卽是造論意五釋論題目六述注論婆數七敘論
大宗八明翻論羅什九辨檀越姚嵩十定品偈多
少章雖有十不出人法二義開人爲五辨法亦然
故成十矣。人五者一造論人二所爲人三注論人
四翻論人五請譯人。四爲內弘終一爲外護涅槃
經云有二因緣佛法久住。謂解法弟子及篤信檀
越卽其事也。法五者一歎論功能二造論時節三
釋論名題四敘論大宗五定品偈多少。

百論者蓋是通聖心之津塗開眞諦之要論也。

就初歎論功能凡有四義。一境智二智諦三人法

四法喻言境智者通聖心謂正觀也開真諦謂正境也非正境無以發正觀非正觀無以鑒正境故略題斯二則義無不合問應前明正境後因境發觀今何故前辨正觀後明正境答因緣境智非前後一時但大士出世爲令眾生得於正觀正觀要因正境故後明正境也如法華十方三世諸佛爲開示悟入諸佛智見諸佛智見卽正觀也在佛旣爾菩薩亦然問此論云何明正境及正觀耶答如始捨罪福終破於空橫淨十條豎窮四句卽一實諦爲正境也如斯而悟稱爲聖心問爲通眾生聖

心爲通佛菩薩聖心耶。答具有三義。一令眾生得
悟正觀。名通眾生聖心。二邪教既除。正經便顯。暢
悅佛心。名通佛聖心。三眾生病息。大士患除。故通
菩薩聖心也。問云。何能通所通。能壅所壅。答以斷
常爲能壅。正觀爲所壅。百論爲能通。聖心爲所通
也。以邪教爲能覆。正教爲所覆。百論爲能開。正教
爲所開也。第二智諦一雙者。通聖心明二智。開眞
諦辨二諦。二諦是三世佛。祖父母。二智爲三世佛
父母。如淨名云。智度菩薩母。方便以爲父。一切眾
導師無不由是生。若無智諦。則世出世並壞。斯二